

CHINESE - JAPANESE LIBRARY of
HARVARD - YENCHING INSTITUTE
47 HARVARD UNIVERSITY
MAY 25, 1940

3150/7256.81

1

蓋陽曲志

卷之二

字明德
號靜山
晉陽人
平順街

張氏珍藏

陽曲縣志缺頁表

卷十二缺第二十五頁

陽曲縣志序

哈佛大學漢和
圖書館珍藏印

昔孔子行求七十二國
之寶書以作春秋漢世
郡國圖志悉上太史司
馬遷因之以作史記劉

向略言地域張禹條記
風俗班固撫探以成漢
書然則志也者其史之
權輿乎後世爲史者徵
於國史則有實錄起居
注徵於家史則有志狀
碑版徵於野史則有稗
官禱記若夫郡縣之志
則兼是三者而有之興
革有紀科貢有表風土

有志人物有傳史之體
例固畧具矣綜天下之
志釐而合之而一代之
史不已犁然具乎雖然
亦何易言志也傳聞異
辭事跡舛漏則失之疎
囿於鄉愚諛聞淺識則
失之蔽愛憎出入賤目
貴耳則失之誣志之有
三失猶史之無三長也

史徵於志者也志弗良
而求史之良其將能乎
頃

天子命修明史令天下郡
國志書悉上史館余承

乏總裁間一寓目則見

躋駁蕪累者十書而七

其有良者則必其鄉之

聞人鉅公與夫有司之

賢而有文者爲之因以

考其時代辨其人材不
勝盛衰升降之感焉吾
晉於天下爲大藩陽曲
於晉爲首邑其物產之
浩穰山川之雄壯人文

之閎麗魁傑不可以莫
之志也舊志旣殘缺久
而弗修今戴君爲令能
勤其民考其土之風謠
物宜以周知利弊遂謀

諸邑士大夫勸爲新志
浹月而成請余爲之序
余雖未能見其書以戴
君之賢與晉陽之多材
其書之良必矣其可徵

於史也信矣異日史成
而書晉陽之人與事獨
詳且核茲書之力也夫
茲書之力也夫書以俟
之

康熙壬戌孟冬望日

賜進士出身


經筵日講官

起居注翰林院掌院學士

兼禮部侍郎教習庶吉

士通議大夫溥澤陳廷

敬撰



陽曲縣志

四

陽曲縣志序

壬戌夏五余視學山右

屬有司例以山川城郭

之圖及田賦風俗學校

藝文人物之志進始而



Faint bleed-through text from the reverse side of the page, including characters like '始' and '志'.

讀三晉通志見其文約
其旨遠未嘗不覲然而
喜曰典而該繼而讀弁
州郡志考其事則富而
不誣味其言則詳而不
穢未嘗不欣然而嘆曰
靡而實終而讀陽直邑
志自有明神宗以前東
牟梁君整齊故事網羅
舊聞其間疆域之興廢

陽曲縣志 卷之四 風俗
戶口之盛衰以及士習
民風屯田馬政忠孝節
義之氣衣冠文物之遺
無不秩然畢具自是以
後世遠代更文獻云沒

掌故無存八十年來上

而

朝廷則壤之制莫稽下而
里巷淳澆之化莫問大
而綱常名教莫紀其人

陽曲縣志
卷之九
之姓氏小而食息起居
莫辨其俗之好惡一切
流風善政鉅典鴻模風
霜兵火湮沒磨滅散棄
於山崖墟莽之間曾無
一人收拾此乃有識者

之所歎愍士君子之所
嗟痛也嗟乎數典而忘
其祖籍談貽譏倘終欲
保殘守缺則是田賦墳

陽曲縣志 卷之四
壤之宜不傳於禹貢山
藪男女之利不載於周
官也邑令戴君悼焉力
志纂修集諸學博弟子
員而參考之由是而秋

至嘉平告成請序于余
夫一行作吏而留心紀
載亦憂憂乎難之今日
者戎馬粗安哀鴻甫集
瘡痍未起徬徨撫字之

陽曲縣志 卷之五 五
無期流離載道紛紜救
荒之無策方且敲朴誼
囂犯其慮牒訴控愆裝
其懷亦孰肯婆娑乎名
山之業從容乎翰墨之

場也哉戴君可謂賢矣

昔吳札聞唐詩蟋蟀山

樞葛生之歌謂其民有

先王遺教則邑志一修

由此君子深思小人節

儉安知非陶唐氏之遺
民乎故地域畧見劉向
之學問風俗條見張禹
之經綸班祿紀五方欲
人施省方之政紫陽修
紀乘欲人得設教之宜

如異日太史采風至鴈

丘狼調之境視河汾鹽

鐵之饒思奢儉之中念

死生之慮宜

上德而達下情不獨陽曲
爲太原之冠太原爲全
晉之冠亦且度地居民
分猷佐理爲
聖天子陳詩納賈之一助

時

康熙二十有一年歲次
壬戌嘉平上浣

賜進士出身通議大夫山
西等處提刑按察使司

提督學政副使加二級

前湖廣布政使司分守

荆南道叅議充戊午武

闈鄉試正主考四川分

守川北道四川道監察

御史關西楊素蘊撰



陽曲縣志序

聞之志一史也自周禮建史
官而志之文以出歷稽往牒
天子有國史侯國有外史今
之志卽古之史也若省若郡
各有紀載非侯國外史之遺

陽曲縣志序



乎至邑之有志亦猶夫外史
之意也故凡爲邑志者必著
方域詳物產悉風俗紀人物
書宦蹟錄節孝所以備叅稽
垂法戒也無志是無邑矣苟
無邑亦烏用是令爲余自丙
辰冬謁選爲令得晉之陽直
蓋山右第一邑也念於邑志
未睹無以勤叅稽凜法戒者
或曰是豈文獻不足之國也
邪迨莅任受事詢所以志陽
直者則已多殘缺矣訪之邑

人僉曰是志也故明萬曆間
東牟梁侯爲之於今幾八十
載雖闕畧有間然不至淪爲
烏有者晉猶知重史也余聞
之撫然曰晉猶知重史哉當
今

聖天子崇尚文治徵天下郡邑
志上之史局命儒臣纂修幸
成一統之盛陽直三晉首邑
徵文考獻者先焉而志之闕
畧如是寧非守土者責邪迺
於今歲壬戌謀諸兩庠學博

諸君集邑之薦紳衿士共議
編輯而纂修之志遂決用是
訪求博聞強識之士佐學博
諸君以效其採輯編摩之力
余因得而叙次論列之助於
季夏竣以季冬凡七閱月而
告成功焉余思晉陽自叔虞

肇封歷代傳爲名鎮山水之
靈異疆域之遼濶視隘陋囂
塵不埒也古昔賢哲其躅也
彪然其立也芸然視晨星落
落不埒也士醮於鄉掄於廷

接踵比肩爲黃鐘爲大呂視
箏鳴缶韻不埒也文章之塞
芳擷采倒海排山發於至性
根乎理道視無根核之言不
埒也且余待罪垂六載土俗
民情知之頗悉敦朴務實崇
儉力農視夸詐浮誕之習不
埒也以是域而泯然無紀非
地負人人負地矣竊史之義
以構志之文余或者可以追
厥責乎况諸君子匠心竭才
而出之其稽考則杜預之武

陽山縣志 卷之五 藝文 三
庫也其敷藻則左思之兩都也其論斷則孫盛之陽秋也余雖叙次論列其能忘諸君子之苦心哉茲役也余始終身任其事不敢以錙銖煩邑人非矯也聊以盡守土者之職云爾客曰吾子勞心竭力以興廢補缺其賢矣哉夫賢則何敢當也第以余之謏劣得惠徼諸君子俾陽直有志倘列外史以佐國史令異日無文獻不足之嘆則幸矣夫

賢則何敢當也

康熙二十一年歲在壬戌二
之日

文林郎知陽曲縣事加三級

仙華戴夢熊撰



重修陽曲縣志序

春秋史之祖也粵稽尼山素王以筆削
代賞罰一字之褒榮於華衮一字之貶
嚴於斧鉞後之作史者折衷焉余家傳
春秋之學者四世矣宣聖傳心要典祖
若父口而授之余不佞童而習之讀康
侯傳蓋已明乎史之義矣比余秉鐸陽

陽曲縣志 卷之六
直官號外史史固吾學亦吾職也壬子
歲

天子允宰輔吾邑衛文清公請令各直省
纂脩通志以備史局採輯余以廣文微
員奉 學憲檄承乏茲役因得取各郡
邑志寓目焉首閱陽直志則已缺而未
備矣夫吾晉於天下稱文獻邦陽直於

吾晉稱首邑八十季來令斯土者豈繫
無人卒未有起而議纂修者余於是不
覺輟筆而三歎也丙辰冬十有二月寶

婺

戴汝兆父母奉

命為是邑侯至則求所為志陽曲者而閱
之則又不勝咨嗟嘆息於文獻之不足


徵也政餘共余商確慨然以纂修之責
為已任因命余採輯其闕畧編摩其梗
槩時余以通志之役數載弗獲報竣遂
巡未敢承命今年夏通志告成余已量
移郡庠侯復命余同錄一劉君子文張
君炳若文君集士之博聞強記者共效
其採輯編摩之力而余弟仙萼亦得與
於茲役蓋弟亦業春秋者明乎史之義
也嗚呼言史於三代以後難矣索米遺
譏穢史致慨無論已記煩志寡遷固已
不能無議况其下此者邪且夫以國史
之重詔修之嚴而秉公論監特識者猶
不可多得矧郡邑之志主脩者守令分
修者學士大夫其能直書不諱如古董

孤輩者幾人哉宜陽直之志遲之八十
季而未修也今戴侯決意脩廢補缺余
得藉手侯之力日從劉張諸君子後發
篋載筆侯復以簿書之暇親為考訂或
論定其可否或敘次其本末分別條目
因舊志者五六出獨見者四五閱七月
而是書告成侯之力也獨念余一氈晉
陽前後一十六載始從事於通志者已
歷九季今復為此役俾家學春秋得稍
稍自見於當世余雖不敏其藉侯而傳
也哉敬序簡端敢拜明府之賜

崑

康熙二十有一年歲次壬戌季冬望日
太原府儒學教授曲沃李方秦頓首

拜誤



重修陽曲縣志序

蘇子由曰域中者三叔曰天曰君曰

史官蓋史也者垂法戒於萬世

所以德天与君之叔之可不及也國者

史者則縣有志以詳而史是則志

又為史官之所資以成一代之憲

典者也僭義

我侯侯陽邑六年余與之朝

夕相從討論時事之必稱之則

古凡理煩治刻者不循之於次

第既理一日詢及邑志不禁慨然

曰三晉之文獻是余之責也夫余

蓄心考久之多筆而卒未能也今

天下當如

聖天子修文舉不存邑志曷以負

國史則志之所係非淺鮮也余固是

欣然曰志之壞於

朝也大矣於於是邑之昭考究垂

法戒示來以為功於天下後世

者一時一人一事之烈也或如今日

者市廛之民曰橫索絕去必志

其何以絕在官之民曰積案清去

必志其何以清輸將之民曰差以耗

除矣必志其何以除嘉節之民曰

贖緩捐矣必志其何以捐都人以

代曰田疇墾矣必志其何以墾士

庫之民曰出納允矣必志其何以允

衣對之民曰空墻新矣必志其何以

以新出城郭矣官治革損益凡

土形產方物所資使及之人崗

瞻於不勞而理則志之為功於天下
 後世豈一而一人一軍之烈也哉况志
 之又實於史也如是乃集博通文
 學之士纂輯其書洵七月而告成
 矣命余叙曉而之人叙之詳矣於又
 公卿大夫與人君子名之弱、烏用
 是余叙此余謹得身自尚且見
 之即於斯志見之也夫
 之即於斯志見之也夫

太原府儒學訓導柯城張育質叙撰



[Faint bleed-through text from the reverse side of the page, including characters like '陽曲縣志' and '張叙']

如氏

編次

陽曲縣知

縣戴夢熊汝光浙江浦江人監生

纂輯

太原府儒學教授李方蓊仙菓平陽曲沃人丁酉舉人

太原府儒學訓導張爾質子文澤州陽城人廩貢

陽曲縣儒學教諭劉中式一錄大同蔚州人庚子舉人

陽曲縣儒學訓導文耀斗炳若平陽安邑人廩貢

陽曲縣生員李丕承子克本縣人廩生

曲沃縣生 員李方茂 仙平陽曲沃人 舉生

叅訂

絳州儒學學 正樊載素 位本縣人 舉生

澤州儒學學 正崔秉鉞 德本縣人 舉生

洪洞縣儒學訓導蘇廣生 易本縣人 貢

舉人候選知縣賈光華 疑本縣人 貢

陽曲縣生 員呂鵬 雲本縣人 舉生

曲沃縣生 員李方芬 仙平陽曲沃人 舉生

校正

舉人潘正誼 漢本縣人 貢

舉人范蘭 九本縣人 貢

舉人柯榮庚 本縣人 貢

歲貢李梅 若本縣人 貢

府學生 員裴衍 宗本縣人 貢

府學生 員田榮 仁本縣人 貢

府學生 員高曇 赤本縣人 貢

府學生 員侯維城 宗本縣人 貢

府學生 員張垣星 元本縣人 貢

府 學 生 員孫 蘭 本縣人 生增

縣 學 生 員侯敏修 孔 皇 本縣人 生廩

縣 學 生 員安紹堯 帝 臣 本縣人 生廩

縣 學 生 員徐振基 建 勳 本縣人 生副

縣 學 生 員陳 葵 孔 瞻 本縣人 生增

縣 學 生 員曾鶴臣 變 甫 本縣人 生附

縣 學 生 員李正春 年 遠 本縣人 生廩

縣 學 生 員柯長庚 瑞 星 本縣人 生增

縣 學 生 員李宜春 亦 遠 本縣人 生增

縣 學 生 員周純德 本縣人 生廩

縣 學 生 員張 介 九 如 本縣人 生廩

縣 學 生 員樊 端 本縣人 生附

縣 學 生 員聶啟祚 本縣人 生附

縣 學 生 員周 儒 懷 珍 本縣人 生副

縣 學 生 員鍾 傅 本縣人 生廩

縣 學 生 員常 寅 子 畏 本縣人 生附

縣 學 生 員甯 智 若 愚 本縣人 生廩

寫圖

曲沃縣生員趙明紫平陽曲沃人附生

陽曲縣丞喬恭巳舜順天大興人官生

陽曲縣典史吳萬選順天直隸人

凡例 一十八則

一編輯以舊志為因以詳考諸書咨詢父老歷年經見為刪補以古今時勢異同為參酌辭寧拙不敢浮華取寧嚴不敢汎濫

一邑志與通志府志不同通志志一省府志志一郡宜於簡約否則卷帙太繁失之濫矣若邑志僅志一邑寸長微善皆當詳載所以勸興後人亦以備異日修郡國志者採擇

一古今人物名宦及詩文俱直書名姓臨文不諱

庶幾一見瞭然

一一邑雖屬彈丸其間察天時審地理協人事原與郡國無異舊志附分野於方輿天文之理闕矣今別爲一卷列諸簡端蓋示人以奉若天道云

一災異舊載禱述志中不欲以咎徵列篇首也但災異實與天道相關抑之於後無乃使人忽天變乎茲特附諸天文末而祥異並書覽休咎之故庶動人以恐懼修省之思焉

一祠祀關係

國典舊志附入建置內今別其篇

曰祀典志庶於典禮不乖

一學校武備兩者缺一不可舊本武備有志學校志似不可無今特詳補之以見文事開治武功定亂之爲交重

一武以云備非一端也茲移堡寨舖舍於卷內並教場軍器驛站增入乃無戾乎武備之義

一政令者致治之具也良法美意前人創之後人師之烏可以不志舊史缺如奚以風良吏勸後來乎今倣蔚志補之取其關於世道人心教化風俗

陽由縣志 首卷
者錄入焉

一巡檢驛丞亦吏茲邑者舊本不載未免遺畧之憾茲特稽考補入可無嘆官職之闕矣

一宦蹟以彰功德古人甘棠猶思之况行實乎舊志有其目無其文大爲闕典茲用博採旁搜取其可法可傳者紀之不敢涉於諛也

一選舉人物志其人必列其地所云并州晉陽太原其名不一大都從歷代所稱有異名無異地也卽云衛所者皆明初從藩封來以長子孫於斯論

三百年猶之乎邑人焉耳

一孝義有一行可取者雖微必錄取其激勵人心亦論人於三代之後云爾

一列女惟 奏聞旌獎者始錄例也甲申以來類多貞烈欲一一 題請嗚呼難矣茲據士民公舉

及聞見最真者表揚之亦足以維世道而風將來一方技雖賤亦邑人也舊本置之禱志非其類矣今附諸人物集僑寓之後仍不失抑末業之微意云

一寺觀附祀典後仙釋列人物末以示斥異端之意

一詩文出自晉人當紀錄亦有非晉人而吟晉景物說晉事故有關郡邑山川者亦收之如事係一人一家之詞雖出自名筆槩不敢錄
一帝后封建皆關天下國家非一邑一郡之所得而私焉者但建都竊據皆在此地又不容不志故於禱述志列之至於叢紀亦附禱述芻蕘工瞽之不遺其以是備輜軒氏之採乎

目錄

圖考 首卷

參宿圖

疆域圖

城池圖

縣治圖

文廟圖

八景圖

天文志 卷之一

星野

躔度

麗屬

占候

祥異

方輿志 卷之二

沿革

疆域

形勝

山川

古蹟 附八景

陵墓

園亭 附樓閣

方產

風俗

建置志 卷之三

城池

公署

坊表

郵輿

街巷

郵落

都里

鄉保

市鎮

橋梁

河渠

貢賦志 卷之四

戶口

丁徭

田賦 附優免

運支

鹽法

商稅

班匠

積貯

祀典志 卷之五

禮祀

祠堂

廟宇

寺觀

學校志 卷之六

學宮

祭器

書籍

臥碑

學政

鄉飲

鄉射

義學

作養

學田

政令志 卷之七

鄉約

申詳

武備志 卷之八

教場

軍器

關隘

舖舍

堡寨

屯田

驛站

官秩志

卷之九

知縣

縣丞

主簿

典史

教諭

訓導

巡檢

驛丞

名宦志

卷之十

宦蹟

選舉志

卷之十一

進士

舉人

薦辟

恩拔

歲貢

例貢監

武進士

武舉

吏才

附國初
從王

地封

恩廕

人物志

卷之十二

人物

孝友

節義

義行

列女

隱逸

僑寓

方技

仙釋

禱述志

卷之十三

帝后

封建

叢紀

藝文志

卷之十四

奏疏

詩歌

辭賦

碑記

列傳

序跋

雜著

舊叙

其一

御史

李光輝

邑人

中燕秦以上游天下者晉中晉以郡因以邑者太原之陽曲則是不腆陽曲為冠冕於海內邑也臨汾阻山之勝陶唐氏深思節儉之舊俗而磊砢英多之人物諸宜有乘載列在職方副之官府以明晉重且以觀天下顧邈自開國迄今書闕有間采風者疑焉今上三十五年東牟梁侯以進士高第來為令政成教洽百廢具舉則求問掌故而嘆曰

不可當吾世文獻不足使天下有以窺吾晉於是
以其間披方圖發陳牒延耆生相與講於纂修之
事且徵信不佞俾訂定焉志成合凡若干卷命不
佞序之余惟史功最地理爲冗錯不易采治以余
邑乘載之闕有間俛而問纂修諸所散之方域家
言爲吾志考信者輯而虞其寡也諸所散之非方
域家言爲吾志取材者輯而又虞其多也偶涉之
函或存一事難竟之冊僅舉單文而斯編括搜靡
漏參核必精詳不穢簡不濇體例備焉條貫漸焉

令夫後之吏於斯生且長於斯者覽所爲臨汾阻
山者而慨然求所爲故墟遺民深思節儉磊砢英
多者而茫然退而問掌故而斯編之中款爲列代
爲次者井然辨秩然具也可以考俗可以佐政可
以博聞而尙友斯亦余邑之鉅典鴻製而晉所由
不失重於天下者哉蓋余聞之晉故晉之司典者
伯鷹曰籍氏及辛有之二子董之爰有董史籍氏
之裔孫談數典而忘之爲譏而御史於古稱柱下
實掌圖籍方書余從晉之司典者後而復承之是

官夫重晉以爲觀於天下侯實重之余不佞第繕手於侯以幸道籍氏之譏而已矣

其二

按察使

李維楨

京山人

劉子洙論史之流別有十曰偏記曰小錄曰逸事曰瑣言曰郡書曰家史曰別傳曰禱記曰地里書曰都邑簿然其可採者殊鮮而今之爲郡邑志者於其體或得十半至於都會之邑有王國及諸臺潘臬大吏治所則十體無所不具非有良史才孰能任之山西藩治陽曲而縣二百年無志曰者諸

臺修山西志謬以屬余檄諸郡邑名爲其志而郡

丞越人董瑞翔攝行縣事草創之會擢守柳州去

萊人梁真宸來爲邑令自親其文業始竟夫謂志

出於史則可謂以志爲史則不可時異勢殊體式

不同權非袞鉞職存掌故司馬子長所謂整齊故

事云耳然而書事記言當時之簡資乎博聞實錄

勒成刪定後來之筆貴乎雋識通才故曰文士多

而史才少賦兩都詩八咏兼能成漢宋書者幾何

人哉是志也兩君以文人代史局鑒裁弘遠知識

周悉按據明審言精練而事該密其於揚扝人物
不棄沉寔不徇貴倨動遵繩墨理絕河漢令人坐
戶庭披囊篋而千載瞭然在目蓋苟悅于寶金以
五志爲要志庶幾無憾不翅兼子泫十體而已余
嘉兩君速告成事而愧狗馬病汗青無期輒爲之
序以示距躍三百曲踊三百之意焉

陽曲縣志首卷

圖考

戴夢熊曰昔周官詔觀事則有志詔地事則有圖
志之有圖信經野之先資哉夫天下雖大亦安能
盡人而章步之然使邦國都鄙茫然莫辨職方之
掌謂何余嘗繙閱宋史司馬溫公之禦夏人也將
棄河湟以問諸成都守孫路路挾地圖示光曰熙
之北已接夏境若捐以予敵一道危矣光愕然曰
微君言幾誤國事夫以司馬大賢而不閱地圖幾

至冒昧從事然則圖之所繫顧不大耶况陽直為
山右首邑疆域有界城池有規廟解有制山川有
形繪之篇首庶幾一展卷而即瞭然乎志圖考

參宿圖

疆域圖


城池圖

縣治圖

文廟圖

八景圖


參宿圖




歌

總是七星觜相侵
 兩肩雙足三為心
 伐有三星足裏深
 玉井四星右足陰
 屏星兩扇井南襟
 軍井四星屏上吟
 左足下四天廁臨
 廁下一物天尿沉


疆域圖



城池圖



圖考



汾河

演武場

承恩門


城洲

門澤迎

關益南

風雲雷雨山川

縣治圖



學宮圖

啟聖祠

奎星樓

東廡

學署

明倫堂

先師殿

戟門

文廟


西廡

池

洋

訓導宅

射圃




方日系示

圖考


陽由果示

考

考




汾河晚渡



嶺紅峯



土堂恠栢





烈石寒泉





天門積雪




古城夕照





晉祠源泉



陽曲縣志卷之一

天文志

戴夢熊曰天文之理微而難明故昔人有言曰天道遠人事邇蓋謂人事盡而天道亦不能外焉然大易垂觀天文以察時變之訓而占驗之家又往往推吉凶災祥其應如響則天道雖遠不可忽也舊志附之方輿畧而弗備今別爲一卷首星野辨所屬也次躔度明所周也次麗屬統所備也又次占候示所驗也又次祥異表所應也而修省之道

哈佛大學漢和
圖書館珍藏印

在是焉而天文之理畢是焉作天文志

目錄計五條

星野

躔度

麗屬

占候

祥異

星野

戴夢熊曰周官保章氏以星土辨九州之地星分九州疆分九州故九野之星各有所主之地九州之地各有所屬之星古稱太原參井分野此統一郡而言陽曲太原之一邑耳舊志亦云參井分野何哉夫郡之西北既入井復入昴畢郡之東北亦入井其東南逼近澤潞西南直接汾州實居參宿分野原無可疑即帝皇世紀及晉唐天文志一云至東井十五度一云終東井八度此統論實沈之

次耳其云中參九度則陽曲之野也今據漢志唐有晉水參為晉星之說惟以參宿為主庶乎其不差矣志星野

禹貢冀州之域崑參實沈之次於辰在申於州為

益通志云晉魏冀并之域不曰冀并而曰益州何也春秋元命苞曰參伐流為益州益之為言阨也言其所在之地險阨也一日疆壤益大故以名焉非今之西蜀益州也

斗柄屬樞星鄭樵曰北斗七星在太微北一日天樞二曰璇三日璣四曰權五日玉衡

六曰開陽七曰搖光一至四為魁五至七為杓說者謂斗樞冀州之域又春秋緯文耀鉤曰太行以東至碣石王屋砥柱冀州屬樞星蓋帝張四維運之以斗月徙一辰復返其所故其主如此○愚按

斗者天之喉舌號為帝車所以斟酌元氣平量萬物齊正四方者也又為人君之象號令之主徂南物生徂北物死循環六甲與日相值而執之主冀隘矣况一謂冀州屬樞星一謂斗樞冀州之域考石氏說又謂樞主秦衡主趙紛紛不一互相矛盾將安據乎存此二說以俟精天文者考究

五星屬辰屬太白太白屬金西方之星也辰星屬水北方之星也而三晉與焉續

漢志注曰辰星主常山主冀幽并太白主奎婁胃昴畢觜參唐書曰實沈以負西海其神主于華山太白位焉太梁以負北海其神主于恒山辰星位焉又曰燕齊候辰星占虛危晉亦候辰星占參伐秦晉好用兵復占太白○愚按天文太白辰星與歲星熒惑填星共為五緯所以紀綱群星扶理百精匡輔化機者也經星靜緯星動故其出入宿次比附日月進退離合伏逆遲留可以筭數推難以法象求也專執之以主晉墟亦隘矣况陽曲又晉中之一邑耶然世有此說故存之

十二辰屬申

天原發微曰畢十二至東井十五辰申曰涪灘律中呂斗已晉魏分

十二次屬實沈

晉語曰實沈之虛晉人是居帝皇世紀曰自畢十二度至東井十五

度實沈之次今晉魏分野晉天文志曰自畢十二度至井十五度為實沈魏分野唐天文志曰觜觿參伐實沈也初畢七度餘八百四十一秒四之一中參九度終東井八度

二十八宿屬觜參

史記天官書曰昴畢冀州觜觿參益州漢地理志曰魏地觜觿

參之分野又曰唐有晉水及叔虞子變改唐為晉故參為晉星通志云觜參實沈之次晉魏之分也而井宿附入焉○愚按漢地理志曰唐有晉水故參為晉星則陽曲在魏地無疑其東北州邑則屬趙耳不然城邑有更移豈晉水亦有更移耶

天市垣二十二星屬東垣第十一星

宋天文志曰天垣星在房

心東北下照二十二處其東垣十一星一曰宋二曰南海三曰燕四曰東河五曰徐六曰吳越七曰齊八曰中山九曰九河十曰趙十一曰魏其西垣十一星一曰韓二曰楚三曰梁四曰巴五曰蜀六曰秦七曰周八曰鄭九曰晉十曰河間十一曰河中

女分十二國星屬韓北一星

宋天文志曰牛女下有十二諸侯之星越

東兩星曰周周東南北兩星曰秦秦南兩星曰代代西一星曰晉晉北一星曰韓韓北一星曰魏魏西一星曰楚楚南一星曰燕燕西一星曰齊齊北兩星曰趙月下星曰鄭○按鄭樵謂星主各國隨其所隸其星有變各以其國當之然既占分野何以復占國星曰衆星者萬物之精質具於地而氣形於天分野者周天之次合懸象於上而示法於下考一國之休咎則國星是稽察諸變之凌犯則分野必辨蓋並行也其帝星帝座而不以為複之類與

李方秦曰分野之說或以九州或以諸國紛紛不
 一大抵皆就其地之大勢統論之天文箋註云星
 一度可當二千九百三十二里然則太原冀州之
 一區陽曲又太原之一邑較之星躔直太倉一粟
 耳伶州鳩曰晉王卽位歲在實沈董固曰實沈之
 虛晉人是居此實沈爲晉之分野固彰彰可據者
 也左傳謂實沈爲崇晉平受其殃杜預注曰實沈
 參神也又子產謂實沈封於大夏王祀參唐人是
 因又曰成王滅唐而封大叔焉參爲晉星夫叔虞
 封唐其子燮改唐爲晉則參爲晉星可信矣又按
 唐天文志一曰觜觿參伐實沈也初畢七度餘八
 百四十一杪四之一中參九度終東井八度自漢
 之河東及上黨太原盡西河之地設險以限秦晉
 上應天關一曰東井輿鬼鶉首也南曲之陰在晉
 地衆山之陽南曲之陽在秦地衆山之陰陰陽之
 氣并故與東井通河東河北及河曲皆東井之分
 上黨次居下流輿趙魏接爲觜參之分又按圖書
 編曰太原參井分野平陽觜參分野潞安參井分
 野汾州參分野大同昇平分野澤州觜參分野遼
 州參井分野沁州參井分野由斯二說觀之太原
 在趙魏之中介汾潞沁遼之間統一府言之則爲
 參井就一邑言之則獨爲參無疑也謹誌篇末以
 俟後之明
 於天象者

躔度

戴夢熊曰星有躔次隨天左旋其去極之度確然
 不更故分野既明則躔度宜詳後之占驗者可以
 備考矣志躔度

參伐十星距中星西第一星去極九十二度半

玉井四星距西北星去極九十八度入畢宿十一

度半

天屏二星距南星去極一百一十五度入畢宿十

三度半

軍井四星距西南星去極一百五度半入畢宿十
四度二星距南星去極一百一十五度入畢宿十

天厠四星距西北星去極一百一十八度半入參

宿二度星距西北星去極六十八度入畢宿十一

星一星去極一百一十五度入參宿三度半

星一星去極一百一十五度入參宿三度半

不更始公選則也順觀其宜精外之古製者何

漢受漢曰星亦觀火則天古其去極之數

麗屬

麗屬

戴夢熊曰或謂參伐十星耳玉井屏星軍井天厠

及屎其星十五何以並屬之參曰參為二十八宿

之一蓋主星也其諸星皆附於參者故屬之參或

又謂天市垣二十二星之一牛女下十二國星之

一皆國星也何以不載麗屬曰天市垣國星屬帝

座牛女下國星屬女宿二星皆非主星蓋我之星

附彼非彼之星附我故不載也明乎此者則知麗

度占候不列別星而獨列參宿大抵皆此意耳志

麗屬

步天歌曰總是七星紫霄相侵兩肩雙足三爲心伐

有三星足裏深玉井四星右足陰屏星兩扇井南

襟軍井四星屏上吟左足下四天廁臨廁下一物

天屎沉

一益主星也其前星皆謂之參

父星其星十正所以命參之參曰參

參

占候

戴夢熊曰兩儀真位衆羅昭明故羲和有命而象

綿攸著七政是齊而璿璣以幹然而陰陽之精其

本在地而上發於天休咎之徵其象在天而下應

乎人所以善言天者必徵應於人善言人者亦必

驗象於天夫周官保章氏以星土辨九州之地土

應躔次下列山河用以察災祥審吉凶而人事得

失罔弗應焉是豈決於冥冥者哉志占候

參七星赤一曰參伐一曰大辰一曰天市一曰鐵

鉞主斬刈又爲天獄主殺伐又主權衡所以平理也又主邊城爲九譯故不欲其動也參爲白虎之體其中三星橫列三將也東北曰左肩主左將西北曰右肩主右將東南曰左足主後將西南曰右足主偏將故黃帝占參以應七將七星明則天下兵精暗小則將弱芒角大張赤輝旁射則三軍駭動動搖則邊有急參差不常則人臣不忠中央三小星曰伐天之都尉也明與參等則大臣謀亂兵起參左足入玉井中則兵大起秦地大水有喪出石爲怪足若突出玉井則虎狼暴害人金火星來守則兵起災生日月蝕則田荒米貴土星犯則災甚水星守則兵疫又其氏曰參爲忠良孝謹之子明大則臣忠子孝移動則殺忠臣守常則吉玉井四星赤在參星右足下水象也主水泉以給厨用微小如常陰陽和五穀成明大動搖則大水井遠參則虎爲害

軍井四星黑在玉井東下軍營之井也以給軍饗一曰天井動搖則有大水月入軍井則兵起五星

入則大水

屏二星赤在玉井南所以障閉天厠也星不具則

天下人疫火星守則民疾疫客星入則人多死

天厠四星赤在參星左足下色黃而明則吉不見

則人多病凶不明則天下人疫五星守之則天下

大饑人相食

天屎一星赤在天厠下色黃則吉青黑白皆爲憂

明則萬物有命微則萬物不昌不見則人多疾病

常以春分日候之其星黃潤而明則人無病青黑

則國饑人病

祥異

戴夢熊曰周設馮相氏以司常保章氏以司變所
爲察天道以驗人事者卽洪範垂庶徵之意也攷
天官五行志其間休咎之徵如影響所以春秋災
異必書雖不言其事應而事應具存蓋雨露冰雪
均非無故不特山崩地震之有所由致也王安石
乃謂天變不足畏豈信然哉夫成湯六事自責其
霖立降宋景一言之善熒惑退舍感應不爽自昔
已然而又何疑焉書曰惟德動天詩曰永言配命

恐懼修省以挽回天心則雖鼎祥桑皆可為吉矣
志祥異

周貞定王三年晉地震

威烈王三年冬十有一月晉有火下於北方有聲

如雷

顯王二年夏六月甲戌朔日有食之有星孛於大

辰 乙亥太白犯昴

慎靚王十有五年秋七月月生齒訖畢大星

秦始皇四年夏四月晉大雷雨

漢景帝二年秋晉大旱 冬十月日月皆赤 十

有二月雷鳴日色如紫五星逆行太微月貫天街

中

昭帝始元二年荒免租

順帝陽嘉元年冬閏十月戊子客星氣白廣二尺

長五寸起天苑西南

靈帝建寧中晉陽狼災

有狼數十入晉陽南城門嚙人

元平元年

荒免租

晉武帝咸寧元年秋九月甘露降太原晉陽 大康

二年冬十有二月并冀二州大雪

惠帝元康五年秋九月鴈門新興太原榆次大風

傷稼 永寧元年自夏及秋并州旱 秋七月太

原新興青蟲食禾 十傷六七

懷帝永嘉四年夏六月大蝗并州草木牛馬毛鬣

皆盡

元帝永昌元年冬十有二月冀并二州大雨 趙光初五

年後趙四年也

成帝咸和三年雨雹 時石勒稱後趙改元太和雹起西河介山歷太原武鄉

平趙郡千里樹木摧折禾稼蕩然趙光初十一年也

穆帝永和三年并州進蒼麟白鹿 前後進蒼麟十六白鹿七 秋

八月大雪 人馬多凍死後趙建武十三年也

南北朝東魏孝靜天平元年龍見并州井中 梁中大通六年

西魏孝武永熙三年也

北齊武成河清二年夏四月太原雨血 并州地

遙西五州旱 五月并州地震 陳世祖天嘉四年周武帝保定三年

武平元年并州獻五足牛 陳高宗大建二年周天和五年也 三年

并州有妖狐 時妖狐多截人髮擁土為城雉 五年

晉陽大旱

得死魃長二尺面頂各有二目帝聞之使刻木為形以獻陳大建六年周建德

也
三年隆化元年有鶴巢於并州嘉陽殿雉集晉陽

宮御座獲之 蛇鬪於招遠樓

并州招遠樓下有赤蛇與黑蛇鬪數

日赤蛇死陳大建八年周建德五年也

隋文帝開皇十有六年并州蝗

煬帝大業元年太原廐內馬死者大半 十三年

并州兵器夜有光如火

時劉武周據并州兵勢甚盛城上稍刀夜每有火光

唐高祖武德四年太原尼僧志覺死十日而甦

武后垂拱三年春冀州雌鷄變為雄 久視元年

并州晉祠水赤如血 長安二年秋九月朔日有

食之如鈎

玄宗開元十有二年夏五月太原獻異馬駒

兩肋各十

六肉尾無毛二十有三年冀州獻長人

名李家寵長八尺有五寸

代宗永泰元年太原五色雲見嘉禾生 五年太

原獲白鳥白鵲各一獻之 七年秋九月太原嘉

禾生

文宗太和四年太原饑

宣宗大中十有二年秋八月丁巳太原地震

懿宗咸通十有三年夏四月太原有人妖晉陽民家生子

兩頭異頸
四手連足

僖宗乾符四年夏六月乙巳太原大風雨拔木千
株損稼

百餘中和元年秋九月太原諸山桃杏華有實

文德元年太原大風雨拔木損
稼甚多

五代後漢隱帝乾祐二年夏五月太原進白鳥

宋仁宗景祐四年冬十有二月甲申忻代并三州地

震廬舍覆壓吏民并州苑
者一千八百九十八人至和二年并州太宗神

御殿火 寶元元年春正月庚申并忻代三州地

震 嘉祐五年春正月辛卯有大星出畢其星大
如盃赤

黃色行至天倉沒明燭地
尾迹炸烈而散有聲如雷

哲宗紹聖元年冬十有一月太原地震 四年夏

六月巳酉太原地震 元符三年太原地震

徽宗建中靖國元年冬十有二月辛亥太原地震

彌旬不止壞城壁屋
宇人畜死者甚衆

元成宗大德七年地大震山西等處民
居官舍多圯

仁宗延祐元年冀寧路地震壞官民廬
舍甚多三年冀寧

路地震 四年冀寧路地震

順帝至元四年夏大旱民乏食流至正二年夏四

月冀寧路地震有聲如雷地二十有八年大饑遣

賑明太祖洪武四年太原風異修建晉王府于古城宮

盡頽遂移建于府城毀木架已具一夕大風

英宗正統六年山西大饑 天順四年春三月太

原其露降是月二十日甘露降于太原府學文廟

大成殿前樹上有司以獻人以爲周經

徵憲宗成化八年春正月雷雨太原府東南初六日

如九年春三月地震初九秋七月再震初六

多二十有八年春二月寧河府災先是二十七年

雷見或爲神像或爲王侯需索酒食時舉火云欲焚

宮是年二月十八日夜果焚府第冠服器用盡焚

不遺一物妖亦隨滅

孝宗弘治十年秋大雨霖雨十有四年春三月汾

水漲初七日汾水漲高四丈許臨河村

世宗嘉靖元年秋八月地震 十有二年冬十月

夜中星隕如雨初七日也十有三年秋七月夜星貫月

初五日也十有七年夏五月地震瓦屋十有八年夏四

日也皆鳴

月再震 二十年秋八月異犬生

耳目各四足有八是歲北兵屠

截諸縣數萬餘人

大掠十日而去 二十有一年秋七月朔日有食

之既

午時晝晦星見

二十有七年夏四月有赤風

是月九日有

赤風自縣北來須臾天地晦

冥咫尺不辨夜一鼓始霽 二十有九年秋八月

有鬼火

是月二十九日夜有鬼火如列炬自西南往東北長二三十里人皆見之

三十

有二年訛言起

時民間訛言朝廷命選女子內臣且夕入境不數日凡有女子年十

三四以上者遍送

有男之家婚配 三十有四年冬十有二月地震

三十有八年夏四月標下家丁作亂劫倉庫焚

府縣大堂都司鄭印平之

四十年大饑

有東來男子

死人肉包脯食以售野

外見者聞于官置諸理 四十有一年大有年

粟米價銀

一錢 四十有四年廩生郭登高獲白兔以獻賜金

帛

穆宗隆慶二年黑青見

人多被傷

神宗萬曆元年瑞瓜生

府學文廟生西瓜蔓綿丈餘結瓜十一枚是科得雋

者十 六年彗星見

大風

推折鎮朔門迤東

八年

彗星見於東南

察院災

即今晉府店

九年大疫

死者大半

十有四年大饑

斗米銀二錢瘟疫復作死者枕籍遣官賑濟

二十有三

年大風

北門外拔樹百餘株

二十有九年疫大饑

三十年

疫大饑 三十有二年冬多雪 三十有三年春

寒 三十有四年晉府東宮災 春夏大寒無雨

五月大雨雪 漂没人畜甚多 冬十有二月晉府東宮又

災 寶物器 地震 初六日也 三十有五年汾水環抱省城

汾水漲于城東形如環抱是歲中式十人 三十有六年冬槐自火 沙河街大

槐樹無故出 火即成灰燼 夏四月大風 刮塌北城小樓一座 三十有七年

春正月沙河街觀烟火踏死男子八人 夏四月

鼓樓瓦獸吐煙 是月初十日瓦獸吐煙占主旱四月至次年五月不雨連荒大饑火

災四兒遺 三十有八年春二月夜星隕天鼓鳴

初十日有星大如斗自東南落西北其光照夜如晝天鼓大鳴 三月民人路汝臣

妻劉氏一產三男 夏四月地震 十二日也 秋七月再

震 初二日也 九月大疫 多生喉痺死者無筭晉府尤甚撫院魏知府開各遣醫施藥救

之 三十有九年春正月關帝廟毀 自高白村以北

夜同時拆毀 有童異 民家童子八歲生鬚身多毛 四十有一年

夏六月至秋七月大雨 傷人損稼七府 四十有二

年秋九月地大震 十三日也 越八日又震 有聲 四十有

六年冬白氣經天彗星見 四十有七年春二月

風土晝晦

熹宗天啟四年夏五月大雷雨擊死數人

旗燾廟起龍狐

死數人震死數人就近民居多震塌者內有火藥匠胡天祐倉卒中謂妻曰看咱孩子其妻曰且看咱娘婦人一念孝感合家保全無恙

懷宗崇禎九年春三月鷺鷥巢於城樹 十有一

年大饑 斗米銀七錢 十有三年惡鳥巢於鼓樓西角 俗呼

訓 十有四年大饑 十有五年春夏又大饑 死者無笑

十有七年春正月朔赤日無光 初一日日初出赤如火無光紅色竟

天 二月大風賊陷太原府城 初七日夜大風次日賊陷城

國朝順治元年冬十月大兵取太原日有祥光 九月大兵

至圍城十月初二日攻城初三日克之賊遁日有五色祥光 三年夏四月晉府

大燬災 十八日夜 五月朔日有食之既 晝晦如夜 五年秋太

白經天 是年大同總兵姜瓖叛 六年蝗 其多無笑飛可蔽日 九年夏雨

雹 大如鷄子 十有一年春流星貫月 月正上弦流星入月食頃方退

康熙元年夏五月有星穿月 初三酉刻月在兌 秋

八月大雨 連綿彌月汾水泛漲 三年冬十月彗星

見 見於西方長數丈月餘乃滅是年府北州縣皆大饑 四年夏五月太白經

天 五年狼進阜成門 冬十月地震 初三日也 大饑

七年春正月白氣經天 十三日夜西方有白氣直射東南根粗末細幾

觸參有星如斗二十三日星見西南其色赤大如斗尋沒夏六月太白

經天地震十七日也是年天冬十月地震十九日也

十有一年春三月地震初三日也十有二年秋九月地

震初九日也冬無雪自十月至十一月俱無十有三年夏五月地

震二十日也十有八年自春正月不雨至夏四月巡撫

率文武各官赴太原縣天龍山禱雨秋七月地震二十八日也十有九年

秋七月大雨雹有大如鷄卵者地為之白至馬庄打死牛羊無數有大如磴礪者昇

赴撫院是月初一日見長冬十月長星見于西南是月

漢月餘是年不時地震二十年大疫人民死傷不計其數

